

金山志卷十三

丹徒周伯義編

宜興陳任暘訂

藝文六

國朝詩

奉和

高士奇

御製登金山原韻

水國微茫界中原勝概收樹迎飛蓋轉雲逐畫船流  
聖蹕人天聚仙山曉夜浮此來愜心賞不復問瀛洲

金山志

卷十三

一

奉和

御製試中泠泉原韻

層霄臨傑構曠宇洽

宸襟海氣來虛檻雲根託遠岑甕城看欲曉龍壑俯彌  
深何限憑高意清寧總會心

登江天寺用梁汾見陽韻

一江蕩漾日輪紅萬里都收眼界中海口潮來聲拍岸  
墟頭樹遠影迷空凌霄金碧皆

天澤駕水巉巖自化工雪嶂煙厓無限好詩成歸棹足

稱雄

扈從登金山

熙春覽物華知仁山水契浩浩大江流孤巒湧奇勢雲  
壑結嵒巖雪浪翻溶溶窈窕紺宇深林巖遞虧蔽塔影  
當空浮乃在雲霄際昔歲奉

宸遊于焉停桂柂豁達肆宏觀指揮去埤垵

金山周築女牆設戍

卒甲子冬車駕臨幸命去之

金碧輝華棖琬琰昭璇製茲來適仲春

梅柳開新霽天矯虬龍纏瞻見奎文麗恍若朝魚龍星  
辰夜環衛欣隨洞庭賞如挹浮邱袂

金山志

卷十三

二

見陽餉金山第一泉并言取泉之法

我從北都來偶泊蕪城下試汲廣陵濤渾流實堪訝雪  
中放棹大江頭翠嶺孤峯繞臺榭伯芻泉品首金山欲  
驗前人話真假初慮歸途難久淹豈料舟行阻堰壩張  
侯好事吾故友相勸停舟向江汊鳩坑顧渚瀾青磁爲  
說名泉果奇詫小航載瓮挹江心銅瓶何須轆轤架洶  
湧洪波一線清大杓小瓢無握把非時縱取味不眞午  
晝晴明與子夜平生足蹟苦未廣低昂莫定水聲價但  
據曾經我口嘗平山詎是惠山亞茲泉較惠更清冽由

來水性有王霸那能水遞運歸巖耕堂一甌花乳銷閑  
暇

金山題壁

黃雲

山從江底現直欲洗塵紛路絕惟通鳥天空只渡雲千  
峯窗外落萬派枕邊聞安得無舟楫仙凡自此分

金山晚渡

朱珏

何年增戍禁帆影入波深幾處悲笳曲千秋壯士心遠  
燈歸旅客柔櫓亂棲禽倏忽傷回顧樓臺暮靄沉

三弟過金山僧舍以風雨止宿

趙開雍

金山志

卷十三

三

念余依淨侶一棹問江津豈少歡娛地偏甘寂寞濱風  
濤聲怖客山閣雨留人且待明朝去天吳怒漸馴

金山樓居

樓居恰俯江三面風雨無端日閉門怪石釜翻左右沒  
亂流箭激東西奔月光不敵陰霾氣山色常流積水痕  
濡墨飲醕無一可安排跌坐了黃昏

江心寺文信國祠

徐柏齡

孤嶼浮江面寒潮撼石根遙遙箕尾外何處可招魂

金山慈雲閣觀雨

顧九錫

小閣虛窗裏危闌不可憑雲來江勢動風急海波騰飛  
鳥投林疾豚魚撲浪興舟人應指羨安穩佛前燈  
一覽亭  
張大純  
亭踞青冥豁遠眸蒼茫瀕洞望中收雲橫小島人煙寂  
波撼孤城海氣秋信與魚龍爲窟宅應知天地亦浮漚  
凌空一望離塵境逸興乘風到十洲

金山晚眺

陸鳳儀

孤亭秋色晚登眺不勝情帆指秦淮迴雲依瓜步生半  
江橫塔影四面走濤聲劫火重燒處傷心鐵甕城

金山志

卷十三

四

遊金山寺

曾天用

扁舟載酒叩禪關萬頃波中第一山樹色攢歸明鏡裏  
鐘聲飛出畫圖間潮來京口秋江濶霜落瓜洲古渡閑  
日暮上方游未遍醉吟蓬島不須還  
山抱樓臺水抱山禪林迴隔世塵間江心鐘響催潮上  
京口雲歸帶雨還塔射寶光浮樹杪藏空金氣長苔斑  
自憐宦海茫茫客不及高僧一味閑

雨霽登金山

姜大澄

苔長煙消草樹秋妙高臺畔雨初收攫拏韻象金光湧

水月江心旦氣浮地界中原雲浩浩天連北極夜悠悠  
儒生蠟屐還憂杞何處春風王粲樓

遊金山寺 并序

馬 驪

壬子九秋遊京口之浮玉山銀漢在天霜飛石

白江流訇然有聲因乘月破浪而返忽感魏武

橫槊賦詩事中流擊楫未能也故返而賦之

碧波臺閣日滔滔落木蕭條對濁醪塔影夜懸孤月白

江流中湧一峯高千巖照浪全疑雪萬壑翻松半是濤

天際飛霜光欲曉殿鐘龕磬忽驚鼇

金山志

卷十三

五

游金山

葛中柱

地接荆揚水勢長江天一望色蒼茫泉沉蛟窟凝香液

塔聳鼇峯映夕陽水底有天埋郭璞壁間無句和孫魴

妙高臺上煙雲起時見魚龍聽講堂

登金山塔頂

波撼金鰲勢欲浮飛來一柱砥中流憑將過客登高興

直到諸天最上頭曉月鐘聲連北固夕陽帆影接瓜洲

相看已在雲霄外不用乘槎犯斗牛

月夜汲中泠泉

孫嘉軾

蓬萊方丈地石眼迸雲根咫尺鮫人宅明珠逐浪翻入  
夜更瀟淪皓月垂金盆斗杓不可挹散影懸星繁相與  
坐清冷欲品渾忘言流水淡如此誰汲江波渾素縵抉  
雲腴盪破碧天痕

瓜步渡江至金山

賀 宿

春江晴可涉一棹到城隈

山麓有城

山自中流出人從北岸

來選碑時捫石望水更登臺今古題詩遍誰知逸少才

金山登快哉亭

蔣家駒

危樓面古潤正接妙高臺曙色玲瓏入春風次第來岸

金山志

卷十三

六

青煙醉柳花白雪皴梅騁日開懷抱登臨實快哉

登金山

楊錫華

尋幽來古剎一櫂破江煙寺外全無地山中別有天梵  
音檐際落塔影杖頭懸丈室逢僧話中冷手自煎  
天塹分南北中流水障東僧窗懸絕壁佛剎嵌層空花  
落諸天雨帆飛兩岸風  
翠華臨幸處妙有五雲封

岸濶天疑近江空地若浮徑從巖戶入帆到寺門收嵐  
氣生山足香煙出樹頭危亭凌絕頂難挽白雲留

山頂有留

雲亭

金山遠眺

妙高臺迴出層霄殿閣緣空倚  
沈瀟煙裏曉鐘京口寺  
雨中春樹廣陵橋浪搖塔影連  
雲動風送潮聲到海消  
京峴至今留王氣莫將興廢論  
前朝

登金山 四錄二

賀印楞

浮玉岩巖跨巨鼇滄江浩淼吼  
驚濤時清不識風波險  
穩坐中流望妙高

孤峯無蒂若雲浮勝概登臨欲  
盡收到岸回看山色暝

金山志

卷十三

七

塔燈點點落中流

登金山寺塔

荆德珩

危欄高處跨層雲獨立蒼茫送  
夕曛石闕瀾翻留寺影  
蓮莖翠削撼波紋東收海國帆  
千疊北俯蕪城月二分  
不盡江山留客夢鈞天彷彿夜  
深聞

登金山寺

蒼然萬頃一丸封縹緲知來第  
幾峯吞吐海潮涵日月  
浮沉石檻靜魚龍黏空匹練更  
秋影倚鏡青鬢自舊容  
我愛梵音臨薄暮卻忘濤響應  
疎松

金山

王元辰

亭亭紫翠俯江皋一柱中流壓怒濤  
滄海有門奔萬馬青山無蒂戴羣鼇  
西津日落帆檣迴北固秋深鼓角高  
獨倚坡陀巖畔石天風吹我鬢蕭騷

金山頂飲酒既醉走筆爲長句

鮑皋

中泠水清江出泉京口酒美斗十千  
不到劉伶墳上十卻迴郭璞墓前船  
鱸斫金鼈瓊浮玉吞海亭中醉張目  
趣令桑田變秫田麻姑底用栽黃竹  
我不羨拍張作三公亦不樂拍浮酒池  
中朝朝拍酒金山頂饑蛟渴蛻爭

金山志

卷十三

八

嚮風雨時井塌見白骨杜老當筵興逾勃  
舳艫千里水犀軍當時戰士江心沒白骨  
青苔何有哉如何不飲令心哀古人此作  
戰場處今人日棹酒船迴僧厨鹽豉不  
論值持鹽把酒休徘徊爲歌一曲勸百杯  
時清自荷天子聖波靜不聞陽侯虓此間  
呼吸通帝座解醒閭闔風徐來

金山

岷源萬里下南京到此波瀾險更生  
竟起龍宮無尺土直從天塹作長城  
樓臺自照金銀色江海同流日月聲

豈有飛仙塵劫外蓬萊前古未銷兵

金山夜坐

楚闔吳開只此門濛濛一氣割朝昏月生天海曾無蒂  
山出雲濤自有根洞底藏金龍臥守江心炬火鳥驚翻  
我家一水忘舟楫辛苦坡公憶發源

金山

丁巳九月作

長江直下連滄海片石浮來自玉京日照巖廊開瀕洞  
天穿龍窟出枝撐雙峯煙樹鐘魚和萬瓦風濤鸛雀鳴  
重到蓬瀛無坐地名山金匱總前生

金山志

卷十三

九

那憑樓閣秀神區形勢西來萬里無鶻點一峯明素練  
鼇簪千尺削浮圖行空地轉東南極望遠天吞大小孤  
濯足振衣吾有興妙高頂上立須臾

秋氣金陵風雨來大江南北思悠哉黃雲兩岸楓齊下  
玄影中流雁卻迴潮落石簾留墓碣霜橫天塹失樓臺  
酒人苦愛南濡水清淺煩君取一杯

奧府幽宮夜不扃軒窗雷雨走羣靈無邊毒氣茫茫黑  
有處神光渾渾青伸足蛟鼉侵臥榻掉頭淮海觸藩屏  
千秋行殿終無改寂寞江天帝座星

金山看初日二首

何意波濤裏夜聞柔櫓東鼓音雷大壑雞唱落天風三  
宿澤心寺一看初日紅匊<sub>光</sub>金寶塔推倒鑑光中

鑑光閣

紫鳳天吳錦珊瑚海若宮松寥山上見光景畧相同

嘗登

焦山頂  
觀日出

曙色西津動榜人爭渡喧三山一照曜羣象迭崩奔霞  
爛與波切魚跳逐鳥翻雲陰峯絕水江豁寺當門砥柱  
分吳楚洪流割曉昏陽阿可晞髮藉作洗頭盆

登金山

王俊臣

金山志

卷十三

十

玉柱銀房金碧鮮中流突兀聳孤懸暮潮捲落千林月  
曉角吹開萬井煙瓜渚樓臺飛鳥外潤州城郭亂山前  
振衣縱目滄江濶吳楚蒼茫水接天

雪後望金山

王元臣

山抱翠屏開金鼇水上來雪痕明遠岫塔影落空杯除  
夕詩還祭春風香到梅升沉故人感獨對妙高臺

妙高臺步月

朱光巒

玩月名山好江聲上古臺望中蜃氣接空外暮煙開入  
夜潛龍出臨風老鶻哀因同高衲話茗戰不知回

金山偶吟

陳于王

孤峯突兀大江中，廟貌巍巍四望通。  
九省帆檣京口北，萬川波浪海門東。  
梁年漢月都消盡，蜀客吳商自不窮。  
若使利名心亦絕，天涯何事任飄蓬。

金山寺

蔡 堡

到此身無定，虛空響不休。  
鐘從波底出，天倚石根浮。  
樹老江山氣，龍吟日夜秋。  
誰知征戰地，來往一漁舟。

月夜汲中泠泉

謝方連

新月泉上出，江華照衣冷。  
扁舟蕩秋槩，汲取波中影。  
昨

金山志

卷十三

十一

與山僧期煮月翻瓦鼎

遊金山

顧九銘

北向瓜洲渡，南迎鐵甕城。  
塔高如日近，水急似山行。  
處禪房靜，年年戰鼓鳴。  
何時鯨浪息，高倚萬峯晴。

曉登妙高臺

劉家珍

凌晨通霽色，獨上妙高臺。  
人語南徐近，潮聲北固來。  
帆檣雲外直，樓閣鏡中開。  
梵放聞清磬，魚龍聽法回。

妙高臺

李 鈞

妙與高無盡，滄江尙有臺。  
窗虛牛斗宿，檻接海潮來。  
石

洞生秋雨天花繡古苔風波溯坡老水月與徘徊  
歌衢見示遊金山詩依韻奉和 史逢年

一拳劃破碧波紋彷彿瀛洲散紫雲風急亂帆千里落  
天清孤磬隔江分醉凭高閣疑無地望斷秋濤欲化雲  
十載舊遊頻入夢

金山予已十年不到矣

漫勞佳句遠相聞

金山

顧柱

江水不可極孤峯亦壯哉若教在滄海又作一蓬萊鐵  
甕帆檣接金陵煙樹開欲窮吳下勝直上妙高臺

登金山衛城樓望金山

金夢熊

金山志

卷十三

十二

高樓突兀鎮鯨波此日登臨景若何海上潮聲驅鐵騎  
城南山色浴青螺康王轍跡荒煙冷博陸祠堂蔓草多  
極目島夷咸服化昇平久矣息干戈

江天寺

曹鑑咸

絕頂登臨趁落暉坐來孤嶼興幽微千重嵐翠排窗入  
四面江濤隔檻飛瓜渚僧歸浮葉渡秣陵人去杳漁磯  
坡公舊日經行地紀勝吟成未肯歸

送浪軒上人之金山

沈道映

振錫橫江去煙波天外蹤亂山京口驛殘月海門鐘雲

氣侵藤杖濤聲起鉢龍定餘持半偈獨上妙高峯

宿金山寺

郭展綖

寄榻茲山興倍幽微茫鐙影見揚州煙迷兩岸江疑合  
浪拍孤峯地欲浮客夢驚殘松逕雨鐘聲暗帶海門秋  
聊將舟楫平生意試向長空問碧流

同孫子逸王彤文星來兄遊金山寺

蔣廷錫

振衣直上留雲處

上有留雲亭

景盡江天一覽中  
匝山形

迴北顧瀟騰潮勢捲南風斜陽鳥背飛天外雙塔鈴聲

金山志

卷十三

十三

語半空聞說江干饒月色煙波輸卻釣魚翁

金山訪桐皋上人用東坡妙高臺韻

日暮乘輕橈來訪桐皋子風清水不波江面無二里樓  
臺絢金碧相望咫尺耳江心一拳石蒼翠突兀起迴廊  
四周曲山徑坦如砥師住妙高臺翰墨淨窗几新詩抱  
冰雪朗誦漱牙齒神機觸箭鋒活潑如江水愧予非坡  
公師實了元是願師塞其竅無鑿混沌死

遊金山用東坡韻

天地不知幾許大唯覺眼力直到海迴頭北望古都城

六朝金粉依稀在山中精舍乞祇陀誰架飛閣臨洪波  
新造來鶴樓 俯瞰江上 太平有象戰鼓歇海潮打石鐘磬多燕子

雙飛亂小楫

江船小者名雙飛燕

夕陽掛帆江浴日東南雲氣半

天霞日光反射江天赤此景奇絕動魂魄魚雁出沒江

豚黑須臾兩岸燈火明舟人促歸波浪驚山僧相對不

相識此中空洞元無物七年兩度登此山

乙亥三月同王彤文登金

山廓我耳目破我頑欲歸餘興不可已舉盞更酌中泠

水

鎮江大風阻渡次東坡大風留金山韻

金山志

卷十三

十四

李 紱

三過中泠無一語應被江神怪虛度帆檣裊裊來江干

故遣橫風驅疾雨金山顛沒如鳧浮天吳歌獻冰夷舞

秋蟲時鳥自吟咏變滅隨風何足怒名山大川摹繪拙

翻似海潮與江迥詩成投筆酌苦露醉聽逢逢發船鼓

金山

徐德宗

樓閣參差擁翠屏六鼇高捧出元冥珠林縹緲飛花雨

紺殿玲瓏語塔鈴渡口疎煙瓜步綠天邊一髮蔣山青

老僧靜證無生諦時有乖龍夜聽經

金山月夜

祝應瑞

登臨興不淺，月在最高亭。  
露氣浮天白，嵐光接海青。  
水澄龍隱窟，嵒響鶴歸庭。  
漠漠飛花落，山僧夜講經。

康熙己巳扈

蹕南行二月二十九日渡江望金山

陳元龍

金焦離立隱樓臺，照耀鸞旌淑氣迴。  
旭日光浮

天仗外，彩霞暖護

御舸來，嵩呼夾岸濤聲應。  
羽衛臨江，練影開一望，澄波涵萬象。  
倚舷欲賦，愧無才

金山志

卷十三

十五

登金山

嚴應肇

奔濤何浩蕩，孤嶼砥中流。  
氣暖魚龍聚，天空日月浮。  
江聲連楚蜀，山色變春秋。  
無限登臨意，難爲薄暮留。

登金山悟影樓

孫汝謀

空山一棹恣奇遊，選勝高登悟影樓。  
縹緲雲連瓜渚樹，蒼茫煙暗海門舟。  
濤聲遠溯通三峽，山色遙晴見五洲。  
醉倚危欄看日暮，蕭蕭蘆荻正深秋。

恭和

御製渡江駐蹕金山元韻

汪由敦

長江天塹久恬寧

鳳帽平移愛始經元氣混茫浮日月天風浩蕩御仙靈  
亭臺簇擁中峯碧煙火平分兩岸青曾記客行貪利涉  
疎鐘只向舵樓聽

恭和

御製初登金山得句元韻

浪洗盤陀萬古青不須五嶽寫真形近天更覺天無際  
拔地方知地有靈塵翳纖微從不到波濤晝夜幾曾停  
初登便識

金山志

卷十三

十六

宸襟曠眼界從看極渺冥

朝昏遠際東西界吳楚中分南北天晏坐何當參古佛  
遨遊須是挾飛仙

翠華幾度傳

堯蹟畫鷁初臨紀

舜年鼓角聲高人未散夜深燈火萬檣連

恭和

御製遊金山寺用蘇東坡韻兼效其體

大江源出岷峽長漢沔潛沱同入海奔騰一瀉直萬里

豈識中流有山在開山從說裴頭陀老龍聽法川靜波  
青囊奇說無寸土流傳好事何其多雲帆輕渡丞徒楫  
簫鼓悠揚好風日瓜步迴看煙嶼青海門直射朝暎出  
樓觀參差煥金碧屢屨峭削積鐵黑妙高臺上望眼明  
練平無復天吳驚指點江城名可識麗藻粉披羅景物  
笑謝方壺海上山十洲祇着頑仙頑底須崇椒歷無已  
萬丈虹光照江水

恭和

御製登金山塔頂疊舊作韻

華飛

金山志

卷十三

十七

數層更上翠螺尖縱目江天一望兼霄漢朝捫星斗近  
波濤直接海門恬金莖縹緲靈光合仙掌瞳矐日色添  
絕頂登臨皆妙相曇花一笑此應拈

恭和

御製金山疊舊作韻

層層金碧倚空青攬勝先須據勝形日暖驪珠明貝闕  
月明雲瑟鼓湘靈江天閣對南徐峙海嶽樓當北固停  
帶水由來說天塹至今沉鐵鎖滄溟  
玲瓏翠嶂臨無地雕琢雲根別有天已是蓬壺開世界

不須瑤島問神仙  
山留寶帶三千劫  
水湧靈泉億萬年  
比似

恩膏流不盡  
吳頭楚尾九江連

金山

張鎮

浩渺天光浸白波  
風雲入望四圍多  
潮吞絕壁濤聲壯  
苔蝕殘碑字蹟訛  
樹杪亂煙封鳥道  
山根薄霧起龍窩  
年來不問沙場事  
血戰孫劉竟若何

舟行望金焦二山

楊搢

滄江如帶鎖層巒  
咫尺雙峯欲上難  
悵望幾添詩酒興

金山志

卷十三

十八

在來空作畫圖看  
千秋古洞清風遠  
一柱中流白日寒  
最是扁舟回首處  
夕陽西下水漫漫

金山

劉坤

乾坤慙愧說神童  
此日登臨涕淚中  
山背樓臺通蜃氣  
江心鐘鼓震龍宮  
雲開吳楚千帆出  
月冷陳隋一水空  
惆悵得金人不在  
蘆花依舊落西風

金山寺

張天中

繫纜登臨海日黃  
潮聲萬里接扶桑  
老僧汲水出幽徑  
野鳥啣花落短牆  
石立中流資砥柱  
帆飛兩岸渡舟航

一從烽火驚心後不敢題詩到上方

宿金山

束蔭商

浪湧芙蓉插碧霄嵌空樓閣出山腰峯孤嶽瀆神應護  
水靜魚龍夜每朝海氣有無晴晦日石痕消長古今潮  
妙高臺上看明月聞聽江聲坐一宵

恭和

御製初登金山得句二首元韻

梁詩正

浮空湧出一螺青獨立江心鎮地行梵貝中流聞佛國  
風濤三島護真靈寺名尙記龍游在山影如迎鳳艦停

金山志

卷十三

十九

極目妙高臺上望人煙兩岸接蒼冥

根盤水府前臨海影插雲霄遠際天清景空懸看似畫  
聖情高詠句如仙盡收形勢歸初地雄跨東南鞏億年  
世上蓬萊真箇是欲從煙外挈成連

恭和

御製游金山寺用蘇東坡韻兼效其體

山水之奇半東南圖經所載有山海未若此景更崛奇  
大江突兀一峯在停橈試望玉坡陀東風吹動琉璃波  
層宮翠業供遠目吳雲楚樹何其多玉簫金管木蘭楫

來自蕪城當落日  
鼉鼉下臥雪浪寒  
鳧翳亂點江煙赤  
徙倚闌干待圓魄  
天影欲落遙林黑  
誰令髯蘇雙眼明  
題詩半夜魚龍驚  
六百年來荷君識  
稠疊宸篇寫風物  
小儒苦吟肩聳山  
險語往往愁舌頑  
塵襟欲滌慙未已  
乞與江心一斛水

恭和

御製試中泠泉元韻

岷山之下江浮天  
驚濤快瀉成百川  
滙爲一水東赴海

金山志

卷十三

二十

結土融石如神山  
山下蛟宮深不測  
厥名乃藉圖經傳  
玉花噴薄濺銀闕  
丹源冷冽通瑤泉  
前人品題有輕重  
風爐滿注松枝然  
曾聞水遞置騎吏  
未若日汲供茶仙  
綠塵不飛連珠乍  
起不逢桑苧翁  
疑招玉川子  
聖心何湛然  
瑩徹誰與比  
笑彼君謨著茶錄  
銀瓶修綆不及此  
第一第七何區分  
試拈妙諦酌此功德水

恭和

御製自金山放舟至焦山用蘇東坡韻

一邱一壑下士耽  
誰能奇景窮吳南

時巡恰應仲春律登臨應聽嵩呼三金山樓閣眩金碧  
對面一峯如伏蠶扁舟徑渡不逾瞬默禱正恐江神慙  
路如修蛇盤曲磴身入明鏡窺煙潭山風乍坼沙草動  
天公著意催春酣焦先隱處塵土隔陳蹟留與山僧談  
參差松竹護石棧高下闌檻圍蘿龕辟如野鶴自清瘦  
飲啄不羨食肉甘東坡游屐亦偶爾探奇新語尤所貪  
何如  
天藻耀巖際山靈拜賜夫何堪摩崖爲紀  
宸遊處神光夜夜明禪庵

金山志

卷十三

二十一

獨遊金山疊前韻

張鵬翀

遠見金焦大如矚秋風引客飄衣袷平蕪盡處隔青山  
俯瞰大江流雪雪微波容與漾輕帆細若麻姑爪新搯  
相輝雲日錦鱗浮倒寫峯巒紅翠夾凌波誰步宓妃塵  
飛渡若凌吳女箠瓊樓紺宇何翩然空檻半垂簾角押  
登山欲上玉浮屠四顧茫茫氣先壓長天灝渺幻魚龍  
遠島浮沉亂鵝鴨當年解帶鎮山門恍惚風流聞說法  
至今大字嵌空巖飛舞縱橫玉龍甲繞廊風細亂蟲吟  
滿渚蒲荒寒雁嘒布襪青鞋偶獨來野麋山鹿聊相狎

渚頭村酒亦可沽苦無三百青銅恰登臨何忍賦歸歟  
直欲高眠卸巾帽西風急湧片帆飛陡覺微寒入肩胛  
生平豪氣耿長虹孤劍寒光欲衝匣詩腸蕭索酒腸枯  
江海直須供一呷放眼不知天地寬回頭已覺塵寰狹

登金山

曹鑑平

鼓棹衝煙疾探奇竟日留長江南北限疊障古今浮浪  
急蛟龍怒風高燕雀愁憑闌遙送目千里望中收

金山塔頂作

王潔

七級凌峯頂虛窗總不扃層巒開錦繡急浪走雷霆斯

金山志

卷十三

二十二

世疑多故高天訝獨醒相看只尺五敢欲問清冥

金山觀龍舟

于澣

佳節客中逢江濤亂遠峯笙歌連島嶼兒女狎蛟龍湍  
急鈴旂疾風遲畫槳慵暮潮催競渡隔岸已聞鐘

金山

查祥

禹力不到處

周朴句

中流剩此山與江爲底柱障海儼當

關孔道通南北風帆看往還何時覓閑暇高處一躋攀

和人登金山塔

凌虛心眼曠歷級景全收日暖一輪近帆飛萬芥浮江

山真選勝雲物況當秋想得稱奇絕平生冠此游

登金山絕頂

葛錫成

屹然天柱挺中流浩浩長江豁遠眸世界微茫真一粟  
烽塵隔絕已千秋風前身擬空中舉月下人同鏡裏遊  
此際等閒胸次濶青雲回首最高頭

曉遊金山用東坡韻

曹文植

神仙壺島江中央秦王誤遣求滄海天風日日引船去  
金銀宮闕至今在不然羣玉分陂陀飛來此地障洪波  
海潮晝夜任搖簸戴山力較靈鼇多我自蕪城鼓短楫

金山志

卷十三

二十三

喔喔晨雞呼日出波濤拍岸豚吹風大星未沒芒黃赤  
此時煙樹猶朦朧持炬登山照昏黑寺門隱隱松龕明  
有客長嘯枯僧驚書生骨相原易識攜來吟管無長物  
倘佯直欲老此山野性甘同江石頑披雲掬水興未已  
海日曛曠耀江水

登金山 二首

樓閣渾無地巍然一柱尊梵聲空際落蜃氣坐中翻古  
塔橫天塹驚濤壓海門青蒼吳楚合煙景變朝昏  
憑闌一長嘯萬里豁雙眸煙樹連瓜步帆檣指石頭僧

凌滄海月鐘吼大江秋渺渺長風至披襟散客愁

登金山塔

朱均

金山寺塔成何年頭陀開山名不傳唐宋詩人語可證  
一雙古塔穿江天山頂一洞二亭古留雲吞海裴公連  
此塔雖然建宋代笠頂直逼浮雲邊寺僧導我登絕頂  
縮足不進豎請前波濤繞腳且少坐下眄已踞山之巔  
住處得住理亦近攬身欲趁塔頂鳶起呼我僕勉強從  
三級四孔風相牽泠泠可御發狂喜有席曲蔽遊人旋  
急呼撤席勇始賈繞梯猿捷謂我儂四級盤盤人覺遠

金山志

卷十三

二十四

五級蕩蕩天爲緣浮生何意得到此視聽不擾心精專  
亭臺剝幢畧可數垂首似欲摩其巔翻然更上第六級  
蓮花頂座如來禪仰首作禮感金粟眼前色界窮大千  
茲山昔云浮玉是得金布地山高騫周窺環隙俯危檻  
不見山影惟空圓東南海門正深黑滄溟杳杳天形全  
須彌世界附匹練帆席遠帶瀟湘煙呼吸磬欬沆瀣合  
萬山東走俱蒼然江天浩蕩我何著無由羽化追飛仙  
偶然清遊得快意片刻亦覺心安便罡風吹我不敢住  
銅烏已嘯京口船

金山

魏祖清

一葉扁舟江浪開，攀躋直到妙高臺。  
千重山翠當窗見，萬里濤光擁檻來。  
鐘靜上方僧入定，風翻高樹鶻飛迴。  
中泠滿酌神清爽，拈筆吟詩我獨裁。

登妙高臺次東坡先生韻

殷苑

我愛妙高峯，樓臺幾甲子。  
飄渺矗雲中，縱目窮萬里。  
了元參禪暇，風濤半江耳。  
霞光燭碧落，隱約琳宮起。  
瓊窗處處通，層崖登如砥。  
鐘聲飄玉龕，塔影落瑤几。  
飛鳥集煙竿，遊魚驚石齒。  
佛火夜晶熒，月明澹空水。  
誰云蓬萊

金山志

卷十三

二十五

遠彷彿瀛洲，是試訪維摩。詰僧言未嘗死。

金山

吳美

江心浮玉勢崢嶸，力障狂瀾一柱擎。  
檻外亂帆風正駛，峯頭孤塔月初橫。  
瓜洲夜半殘燈閃，北固軍中畫角鳴。  
形勝漫誇天塹險，於今海隅盡昇平。

妙高臺觀潮

陳天詔

漂沙圻岸魚龍喜，斲成浮玉沉江底。  
俯臨蛟窟百千尋，巖絕危磴山雨洗。  
妙空雪淨客思清，妙高風裊暮雲平。  
帆遠歸舟不可識，但見鷗鳧點碧汀。  
維舟江上傾襟抱。

攀捫蘿薜穿霞表春水春山無盡時離離江樹橫斜繞  
忽聞雷吼夜潮生鐵騎突出兵戈鳴掀翻霧縠瞿塘暗  
噴薄銀濤河鼓明馮夷激怒天倒開天吳近徙地軸迴  
遠掣長鯨吸百谷巨鼇抃山山欲摧獵獵動盪搖心目  
千里剽悍還蹙縮須臾滄海漾冰輪纖阿碾碎潮頭落  
朝胡爲有潮汐胡爲有汐循環迅駛幾時歇譬猶人生  
一氣之呼吸潮落江聲何處歸江平一鏡漲魚磯倏沸  
倏恬互相異轆轤噓吸不停機君不見萬里乘風駕怒  
濤餐將沆瀣倚岩堯天池混茫曦馭曉隻手還思釣六

金山志

卷十三

二十六

鼇

金山絕頂觀日月出入歌

姜 藻

宇宙光怪烏與兔海濶天高等閒度吾潤光怪惟金鼇  
千古不動蹲洪濤我來金鼇嶺層巒控江影俯窺臺殿  
高鳥飛蕭蕭天風拂衣冷蒼茫遐矚意飛越日落崦嵫  
生海月驚詫鮫人捧玉壺湧出滄淵掛天闕澄輝靄靄  
散綠煙流光照徹蛟龍窟有時破曉登冷露濕青藤西  
巖蟾影斜欲墜一聲天雞日漸升初時海門渾赤色萬  
疊金蛇光互織夜潮飛盡火珠騰沙樹雲帆見江國遊

人每乘日中聚桂楫匆匆渡江去叩景寂寞景乃真誰  
從昏曉得奇趣人間日月無處無不探根窟終拘墟置  
身高曠因見道極目天海排雲呼雖然金鼇絕頂攀危  
級可能帝座通呼吸他年更向岱宗行振衣日觀峯頭  
立

妙高臺觀濤

長江浩淼淨如練突兀金焦鎮波面催渡飛艎江水中  
梵宇琳宮隔波見輕帆忽落到金山雲廊石磴閒躋攀  
中峯高踞江心寺一聲幽磬非塵寰紆迴側嶺登危級

金山志

卷十三

二十七

尋向妙高臺上立三兩梧桐蔭石欄日影到簷青靄入  
茲臺建造了元功凌虛直吸海天風潤州城郭揚州樹  
憑高一望煙溟濛間敞層臺自徙倚檻外驚風濁浪起  
軋盤湧濤不可當震動岷流數千里或如白鷺爭飛翔  
或如素車帷蓋張或如萬馬亂流渡或如金鼓礮汪洋  
疑是鮫人泣珠罷掀渡欲探藏金罇又疑焦巖走毒蛟  
陽侯怒逐洪濤瀉如此風波行不息吳艫楚艦仍如織  
來往江天慣不驚推篷自看金山色我聞張騫昔泛槎  
茫茫天路曾浮家升沉不計君平卜支機石畔捫煙霞

又聞錢王發萬弩矢入江心急如雨後種前胥白馬迴  
神威攔截馮夷舞臨風懷古情無端揚子江濤自渺漫  
依欄脈脈不得語一聲鐵笛吹高寒須臾波靜江雲掃  
沙岸煙帆歸去好何時更借白龍騎弄潮直溯蓬萊島

金山覽古

浮玉峯巒映水奇留雲欄檻坐經時潮聲猶挾蘄王弩  
樹影仍涵張祜詩裴洞花深雙碣覆郭墳波遠片帆移  
仙山縹緲東南望砥盡狂瀾賴主持

金山覽古

彭 澧

金山志

卷十三

二十八

凌虛樓下水茫然景物依稀幾變遷剩有孤峯疑絕地  
留將一塔欲擎天六朝花柳非今日兩晉雲山是昔年  
最屬傷心聽不得數聲鐵笛晚江邊

金山

馬定遠

嵯峨浮玉聳層霄塔影凌雲倚沆瀣夾岸雲橫揚子渡  
隔江風送廣陵潮樹連吳嶼千重合水接巴州萬里遙  
清晏不須天塹險漫誇形勝話前朝

金山

湯 益

分明瑤島出寰區四顧江光入畫圖水接西川吞兩楚

樹連南浦控三吳樓觀滄海鐘初起寺占名山境不孤  
敢信平生有詩骨恍疑身世在蓬壺

秋日遊金山 六之三

於震

妙高臺畔立黃葉滿寒皋水氣青天濕江光白日高秋  
風飛畫鷁鐘鼓起潛蛟浩蕩關身世臨風落彩毫  
江上秋風起蕭蕭落木多天根連海沒山勢帶江過關  
塞通牛渚波濤下鸛河歷朝爭戰地設險竟如何  
到此非無地憑空大塊浮龍宮開絕島鳥道出懸流城  
郭天南壯蒹葭岸北秋吾身何處著長笛起漁舟

金山志

卷十三

二十九

登金山

邵潛

藜杖倚山椒荆吳入望遙岡巒標地鎮樓閣倒星杓鶴  
鶴巢雲瘦黿鼉乞食驕平生戀幽勝於此滌塵囂

宿金山寺

余元甲

潮撼浮玉喧琮琤驚起客睡悽寒清曲肱兀兀俯闌檻  
缺月冉冉沈簷楹戍遙不聞角聲響山黑忽借江光明  
水宿海鷗戀同夢巖棲老衲傷孤生天霜欲下氣自緊  
塵襟頓釋情何撓雞鳴便有人事動舟船無數排風行

舟中望金山

黃泰來

曉發京口自在行水天無際浪花生雲從龍女宮中出  
日向金鼇頂上明勝地任誰留逸句名山待我覺多情  
兩山未遂登臨願鼓棹同君又北征

過金山

鄭從諫

望裏風波靜蒲帆一葉輕臨流山寺動入座水雲平塔  
影連江影潮聲雜梵聲未能停短棹瞻眺一含情

金山

汪元暉

不與眾峯立居然巨浸中盤根連島嶼高頂接鴻濛海  
馬秋乘月江豚夜拜風迎鑾當日曲裊裊唱魚翁

金山志

卷十三

三十

金山晚眺

李信芳

海門日落暮山紅獨倚危樓嘯晚風兩岸濤聲聽不盡  
一江月色照來空帆檣遠近丹霞外城郭高低白浪中  
鄉國未知何處是平沙南望有歸鴻

妙空巖觀日出

沈德潛

蒼蒼者山山在洪流萬里長江間怒濤如雷日轟激澄  
波似帶相回環其中有巖名妙空削另百丈標芙蓉上  
摩半天之星斗下盤九地之蛟龍鉤梯直上安禪窟飛  
閣凌虛勢突兀眠雲高枕巖之幽殘夜推窗見紅日空

中疑聽天雞鳴車輪湧出從東瀛天地忽開萬象生俄  
然六合皆光明發狂大叫振空谷磔磔雲霄鶻離木卻  
聽鐘聲早渡江迴頭惟見寒波綠

金山

四顧臨無地孤峯亦壯哉天風盤鸛鶴海月上樓臺鐘  
梵從空落江聲入座來雲堂龍聽法深夜挾潮迴

月夜汲中湍泉

泉在江心  
石簾之側

浮玉山頭月光起金波鱗鱗漾千里微風不動水無聲  
短棹直入空明裏江心有泉名中泠尋源何處窮冥冥

金山志

卷十三

三十一

珠沫難逢窟穴秘銅瓶深墜蛟龍驚千層濁浪名泉出  
一勺清寒徹肌骨歸拾松枝活火煎地爐已熱江中月  
月夜見珠沫不起處知是  
泉穴然珠沫不常見也

重遊金山 二首

一柱能防萬里流此間勝概冠南州半空日月窗前過  
無地樓臺水面浮歷亂帆檣京口暮微茫煙樹海門秋  
振衣直上留雲處何許乾坤是十洲

留雲亭可  
以望海

涵虛高閣勢堪憑十五年前客共登人事幾隨雲變滅  
江流還作雪奔騰目窮健鶻橫飛處身立諸天最上層

對此茫茫百端集輸他黃葉坐龕僧

登金山塔

登臨猶未極攬袂上浮圖俯接魚龍氣遙瞻瀛海隅轉  
於天路近頓覺此身孤攜得元暉句山靈或可呼

月夜過金山

顧敬恂

琳宮瑰麗倚山椒深穴魚龍靜不驕帆影低隨涼月過  
鐘聲輕逐客船遙寒潮入夜逾嗚咽高閣凌空欲動搖  
任是大江流不盡此山金粉已全消

郭璞墓

金山志

卷十三

三十二

欲攜溫嶠犀來照郭璞墓喚起鼉精魂更作長江賦

登金山塔頂

亭亭一片玉飛墮滄江中插根虛無底湧出金芙蓉砥  
柱東南流日夜洪濤舂將毋海門濶藉此泥丸封壯遊  
遂初志豁達承長風幸因一葦杭逕度馮夷宮是時清  
秋節翠黛開霜容虛堂凝妙香坐久時聞鐘高薨吐日  
月夕梵驚魚龍攝衣上層巔雁塔凌蒼穹孤標立鼇背  
二尊分鷲峯江煙淡飄渺海氣清溟濛軒櫺赫宏敞直  
視扶桑東仰觀眾天近俯鑒萬象空更汲中泠泉一洗

芥蒂胸茲遊信奇絕靈境難再逢何年脫塵鞅安禪學  
坡公

金山

桑調元

金山之山何離奇大江中心湧出之高擎一朵碧菡萏  
下堆萬頃青琉璃蓬萊宛爾在渤澥天地偶然施鑪鎚  
上有高臺可攀步呼吸帝座陳予辭

遊金山

易之炯

山下一僧逢相攜踏翠峯迴廊穿洞壑高閣走魚龍問  
法諸緣淨探幽萬事慵那堪憑眺處雲外已疎鐘

金山志

卷十三

三十三

金山寺

呂履恆

鼇鼉窟裏駐扁舟靈鷲峯前望十洲海日倒從孤島出  
天風高湧大江流東吳形勝三山戍南狩鑾輿萬歲樓  
極目鄉關煙水外夕陽蕭瑟甕城秋

登金山

范本大

不盡長江水奔流自古今一峯衝浪出四面受江侵映  
日樓臺麗參天樹木深揚帆待明發登覽縱高吟

金山

蔣士銓

空青懸萬仞雪浪齧孤根元氣留江影天光宿漲痕魚

龍陰拜舞巖壑怒崩奔向晚秋帆沒蒼茫海氣昏

渡江中流望金山欲登未果

徐流方

落日淡淡江生煙殘霞醮水魚尾鮮阻風三日忽解纜  
快如俊鶻摩青天中流浮玉小蓬島丹楹繡桷包孱顏  
江城霜埃動筆策竹西月榭紛管絃是間鐘鼓但寥寂  
窅然梵唄沉龍淵山門玉帶定無恙坡公印月俱可憐  
岷峨萬里送江水到此一吸中泠泉更觀日出成小住  
陰炬夜列千犀燃世間魑魅亦無數何須水底窮神姦  
我孤清興一葦渡側身俯仰空留連

金山志

卷十三

三十四

望金山作

管幹珍

揚子南朝渡江心一寺分洪濤三楚盡清磬四天聞金  
布龍鼇國僧來蟒蝮雲當年曾百雉誰習水犀軍

金山

一峯如笠壓江心面面琳瑯古寺深孤塔倒流東晉水  
五言高唱晚唐音到來合解橫腰玉何事曾施布地金  
細品中泠泉味冽鯨呿鼇擲總難侵

金山韓蘄王廟

岷濤猶撼鸛鵝羣廟枕金鼇壓陣雲半壁主臣爭泛海

一家婦女亦能軍西陵將帥閒中老南渡山河戰後分  
如帶長江天塹在寒潮雲碧淡秋雯

自西津渡放舟至金山

登山匪登瀛進退亦有定久遭風伯嫌三至始入勝人  
影簇西津晴江一鏡瑩燕語拂飛檣山花落危磴葉葉  
搖輕舟潮盈綠無賸江心甫落帆經聲已堪聽精藍度  
微風塔鈴和清磬回首蒜山人江樓尙遙凭

金山

顧陳常

峻絕金山寺樓臺障碧波翠屏盤鸛鶴石檻抱鼉鼉海

金山志

卷十三

三十五

嶠歸雲少江天得月多長風如可借一葦到岷峨

中泠泉

柳加長

大江東流幾千里金鼇蹲峙當其尾空山夜靜棲鶻驚  
怒潮晚漲潛蛟起下有鮫宮澈重淵習坎深深藏冽洑  
載錫嘉名曰中泠色清味正甘且旨每候潮平駕短舫  
月夜風清矚江底泠泠萬斛散珍珠不愁淚盡蛟人死  
山下風濤無日無搜奇直到冰壺裏天吳拜浪驚榜師  
龍藏不安泣山鬼更鑿龍井代中泠蟹眼驚飛沫泚泚  
水面應知異水心山腰何必殊山趾南巡

駐蹕稽古迹銀甕直取龍池水地靈貢琛吐禎符法乳  
洪施歌樂只

龍章鳳篆勒貞珉山川生色輝堂庀何須履險尋其源  
中泠名定從茲始

金山用張祜韻

柳 誼

塔自蛟宮出山從鼇背分夜窗觀海日禪榻臥江雲波  
撼樓臺動濤兼鐘磬聞迴非人世境忍不酒微醺

遊金山

厲 鶚

渡頭晴色風帖然行盡寺廊如有緣江光四圍佛屋頂

金山志

卷十三

三十六

洞雲幾片僧床邊開尊留客黑鹽豉打漿載人紅板船  
今夜蕪城定生夢夢在聽潮軒裏眠

夏夜同盧雅雨都轉江松泉巖冬友兩同學飲金

山僧房看月卽用東坡游金山韻

沈大成

洪濤萬頃山一拳危樓東眺極溟海江山六季幾人遊  
華巖已散雲煙在招提高下沿陂陀吾曾於此臨滄波  
常儀御月莽空濶眼底歷歷風帆多太息西津人擊楫  
征塵擾擾無休日江南乍見雜花紅江北已看隕葉赤

飛雲片片何處來頓掩蟾光半天黑酒酣論詩香界明  
夜深吐語江神驚歸宗伎倆吾能識豎拂拈花定何物  
浪遊幾度負三山主客皆賢我獨頑倚闌吟笑正未已  
小艇如鳧破煙水

金山觀打鱒魚歌

殷 嶧

櫻桃紅垂山寺簷巨筭迸籬犀角銛江鱒不先亦不後  
但從布縠聲中占漁人多時戒舟楫絲網密張紛織簾  
其時風恬浪不興溶溶明鏡新開奩縠紋微動似吹沫  
或浮或匿勞窺覘少頃舉網覺有得槎枒髻鬣頭排籤

金山志

卷十三

三十七

大者銀刀小玉尺初起跳躑俄喁噉未須誇張腹腴美  
試看雪色欺霜鏹貫腮宜用柳條弱斫鱠好拌橙絲纖  
巨口細鱗擅淞泖槎頭縮項來沱澗二者雖佳尙易得  
何曾得歲淹寒炎尤物非時不肯出誰云多刺加憎嫌  
鶯花漸老榷子熟依舊狡獪藏深巖爲我殷勤喚漁者  
價貴不惜青蚨添

金山

夏之蓉

飽帆受風疾於馬孤悶得此一瀟洒忽然丹碧照眼明  
泊舟已在金山下金山下臨江四面東去海門通一線

空濛瀕洞氣欲浮望裏雲霞落成片雨過江光淨如拭  
煙籠樹影紛如織屹立一柱當中流萬丈驚濤撼不得  
妙高臺上凌虛無天風吹我毛骨竦便思手把并州翦  
翦出一幅瀟湘圖

秋霽登金山浮圖

徐槐江

憑高逢雨歇四顧客懷寬笳吹城煙暝禽歸嶺樹寒江  
聲巡塔聽蜃氣倚闌看沙際人爭渡紛紛下急湍

金山

劉奎年

雨洗春潮濶孤峯湧大江鐘聲冲漢遠塔影倒波雙風

金山志

卷十三

三十八

浪時飄瓦竈鼉日踏窗夜來山頂宿魂夢悸難降

登金山江天一覽亭

顏忱

孤亭壁立出滄溟南北風煙獨此亭潮湧蒹葭連海白  
山橫城郭隔江青蘇公橋古苔空綠郭璞墳荒浪未平  
坐對蒼茫生百感憑將往事契精靈

金山和唐張處士韻

孫鼎

一棹波心寺蒹葭兩岸分蘇橋低落日郭墓浴晴雲漁  
火隔江見鐘聲入夜聞歸舟還把酒題句已微醺

金山

楊城

突兀金鰲現中流砥巨川山腰藏古寺水底秘名泉塔  
影移江月鐘聲徹海天裴陀歸去後任爾洞龍眠

宿金山寺

蔣潛

一宿金山寺幽棲忘世情濤光搖水月暝色入江城隔  
岸酒船到前灘漁火明醉眠魂夢逸欲曙聽鐘聲

第一泉

呂叔蘅

昔怪瀑布水倒瀉廬峯疾今笑中泠泉翻從江底出造  
化本渺茫鑿空恣奇崛初疑湧鼉城不則穿蛟窟風靜  
碧波澄珠沫嘗汨汨遐哉張陸流品味稱第一我欲攜

金山志

卷十三

三十九

銅瓶呼童汲長繙煮茗三山顛獨坐撫瑤瑟

金山寺

鍾亦惺

極目江天碧孤峯日夜浮清虛涵古剎兀傲砥中流樹  
杪亭臺靜雲深鐘鼓幽一間容借住當與老僧謀

金山

陳公位

片塵飛不到蜃氣結琳宮地闢乾坤外江流日夜中樓  
臺驚壯麗吳楚望空濛日暮寒潮急聲聲兩岸風

謁韓蘄王廟

楊琢章

長江百戰立奇功今日巍然古廟崇宋室君臣輕社稷

梁家婦女識英雄騎驢甘隱疏羣將解柄深悲棄兩宮  
終日湖邊人莫笑清涼二字保孤忠

舟過金山

貢 銘

木落潮爭渚人歸月滿艫眾山遙對峽孤塔倒凌江薄  
酒未成醉疎鐘夜已撞旅情何所似數點白鷗雙

秋夜遊金山寺

唐步庚

澄波樓閣日滔滔落木蕭蕭對濁醪塔影迴懸孤月白  
江流中擁一峯高迴廊照浪全鋪雪深壑搖風亦捲濤  
天際霞光飛已斂殿鐘龕磬忽驚敲

金山志

卷十三

四十

金山龍祠

在瓜洲八港屯塢面金山  
卽韓世忠追兀術墮馬處

魏嘉琬

海石積芳洲龍堂暗谷湫古薨塞杪末虛幃走颼颿鱗  
屋參差盡鮫人泣舞休雨瓴聽淅瀝風髯看鏤鏤壁吹  
星如嘖壇開盼正遊澄潭俯魚鼈老樹宿鴝鷓帶嶠三  
山凸泐泓八港勾長江自天限驕馬昔泐浮南渡多犀  
札幽方仗鐵牟接觸爭奏豹擊鼓助俘囚隄發鋒驚伏  
篷燒柿蔽流旌勸幾墜騎趨黠歛亡獮鼠捷還天意偏  
安卽廟謀功名失擒虎涕淚攬登樓戰伐歸猿鳥精靈  
見蒯緱何人重憑弔落日海門舟

宿金山僧閣

吳宏雋

僧樓微月磬聲聞  
南北山頭宿霧分  
烽淨不須吹簞策  
隔江高臥水犀軍

次月田弟冬日重過金山韻

桂敬順

隔江燕子望中來  
面面僧窗冷翠開  
潭底龍依經鉢睡  
雲巢鶴自海天迴  
遙知候汲中泠水  
定擬同登般若臺  
記取舊遊將廿載  
喜隨清夢破寒苔

登金山塔歌

蔡之鍾

大江之中有神龍頭  
角鱗甲摩蒼穹  
天矯變化何隆隆

金山志

卷十三

四十一

幻作浮屠七級崇  
危梯百丈疑神工  
疎櫺四面來天風  
雕繪崢嶸玉闕宮  
琉璃盤踞金芙蓉  
妙香梵唄繞簾櫳  
金繩鐵鎖撞簷鐘  
江濤浩瀚高盪胸  
一洗下界繁華空  
山影塔影互磨礮  
水聲石聲相激衝  
朱方山水靈秀鍾  
巧鑿奇骨貪天功  
置身虛無縹緲中  
左縈右拂紛玲瓏  
眼底萬象出不窮  
南山如帶拋長虹  
更有焦巖挺碧峯  
與茲相對成兩雄  
海水瀕洞開洪濛  
蓬萊方丈一氣通  
安得騫身東海東  
仰看日射金鼇紅

遊金山

任瑗

久夢金山好扶筇入畫圖窗開積水上帆轉一峯孤煙  
樹家何在漁樵計未疎憑高無限意歲月莽荒蕪  
聞說蓬萊境飛來迴不羣濤迴孤嶂聳寺壓兩江分粥  
鼓催殘月僧衣濕曉雲六朝陳迹盡波浪日汙汙  
江流忽辟易天際裊煙鬟樵路鐘聲外僧帆樹色間月  
明龍入鉢潮落鶻歸山何日辭妻子丹砂駐暮顏  
幽曠傳今古躋攀興未休峯孤路欲斷江抱屋如浮鈴  
語夜蛟出潮生宿鳥啾客堂羣籟靜夢向白雲遊

金山

潘鏐

金山志

卷十三

四十二

孤嶼中流峙橫空勢欲吞天青江作帶地濶海爲門塔  
影魚龍靜潮聲日月奔茫茫千古意釃酒共誰論

妙高臺夜月

夏秉衡

日落山影黑月出江光白夕磬伴歸雲松冷泉聲咽高  
臺倚天半俯瞰動魂魄孤峯不見根疊浪潛崩濤隱隱  
隔江燈城市如咫尺有時漁歌來蕩槳天一色

金山

戴允夔

佛踞崢嶸地人從窈窕攀東西雙塔立今古一僧閒天  
影江邊岸濤聲寺裏山來遊如夢寐須聽曉鐘還

登留雲亭

吳翊

舒卷山庭影幾重  
秋雲靄靄碧芙蓉  
曉籠佛日松陰密  
晚濕仙衣海氣濃  
紫蓋舊縈軒帝駕  
蒼苔長護漢皇封  
只緣五色留

宸翰不敢孤飛向別峯

觀音閣

錢載

京口爲北府姑熟爲南州  
大江黃花水直到閣下流

登金山望大江作歌

褚廷璋

浮玉山頭瞰大江  
滄洲一氣連混茫  
岷峨東下作長塹

金山志

卷十三

四十三

天遣形勢維朱方  
二分九派並網絡  
六州八表分紀疆  
經流洛沫過巴蜀  
總括漢泗包淮湘  
奔騰萬里動日月  
河伯海若相低昂  
孤根突兀擁丹翠  
琳宮紺宇羅中央  
長風飄飄凌絕頂  
江天披豁青眸雙  
輕身忽踏飛鳥背  
風爲車騎雲爲航  
江流懸絲山芥子  
俯視約畧難名詳  
仙靈如花顧我笑  
恍惚引我排天閭  
塵心未清凡骨重  
回首一落仍茲鄉  
荆門郢樹了可數  
參差遠卸千帆檣  
是時波澄混一碧  
層枕洲渚環陂塘  
珠光錦文散沙漈  
浴鳧飛鷺紛翱翔  
憑空釃酒一懷古  
消沉六代悲滄桑

江山終古此流峙頃刻著我如電光正須乘興凌五嶽  
坐看杯傾溟渤窮毫茫

西來閣夜宿

洪亮吉

一庵名西來圓月向東出江空遙夜永雲水四邊徹僧  
樓一一高挂空倦客似鳥投樊籠三更以後羣動息萬  
夢並落蛟潭中

曉登慈壽塔

孤筇摩青蒼一塔壓白日棱棱開四牖絕頂海門出濃  
雲浮江帆不舉江北江南洗春雨高寒鐘磬已絕聲自

金山志

卷十三

四十四

在一鈴天上語

頭陀巖小憩

墻頭開鳥巢墻下出蟻垤天風飄空下已復抵石室莓  
苔青青石色赭人語依微出巖罅陰房舉火照始驚百  
歲枯僧蟄其下

方丈僧出宋蘇文忠玉帶見示

八尺囊裁宋刻絲雕盤中有上清詞平生不合時宜處  
輸與團團碧玉知

七百年來步後塵乘雲遊戲任天真更從以上推前輩

只有金貂換酒人

蓬萊謫下已多時肯向紅塵挂一絲莫笑寶山空手入  
髯翁留帶我留詩

秋日同無方登金山逢玉鑒上人 汪汝謙

江心雪浪寺輝煌重過欣同到上方夕照鋪金山變紫  
月光浮玉水生涼僧吟恰喜開生面客至應知夢浣腸  
今日與君須信宿漫教風勁一帆揚

遊金山 李調元

自我身爲吳越客揚子呼渡三揚帆六年未著登山屐

金山志 卷十三 四十五

行程牽迫如羈銜金山咫尺不得上寸心自愧知愚凡  
竭來鐵甕城邊住浪打堅城如鼓儻詰朝塔鈴似根牙  
語我好上金碧巖興來蹉跌誰復計相攜主僕三人咸  
須臾輕艫抵山足老僧邀我言喃喃引路沙彌捷於鵠  
曲折細路凌青巘我本遊山非佞佛不用擊磬開經函  
飛磴凌虛上高頂縈迴紺宇藏岑巒頽巒百仞雲可握  
禪房數樹花猶絨是時炎天正初伏火傘肆兀雲光嚴  
塔頂未上先喘吁但看石洞爭嶽嵌妙高臺路亦斗絕  
萬古堞堞圍雕劒江頭靈境此爲最天風浩浩吹輕衫

老僧汲泉笑相送明知是贗心偏饒同行各鬪腰腳健  
笑謂誰似矍鑠漸中流復見江豚拜浪花蹙雪飄鷗鷁  
回看壁立霞四圍復乎造物工鑄鑱

雪後登金山作

周京

疑有魚龍此嘯哀江天快截一帆來鼇擎地柱浮波立  
鵠旋罡風到塔迴殷閣鐘聲時卻浪橫空雪色獨登臺  
坡仙一去塵緣隔誰倚虛廊試妙才

金山望海樓卽席奉送張心壺孝廉赴試禮闈

茅潤之

金山志

卷十三

四十六

望海樓高枕急湍乘風有客暫憑闌月從銀漢光中出  
人立金鼇頂上看酒氣直騰霜氣散江聲遠帶雁聲寒  
蓬瀛咫尺君應去莫忘家山此夕歡